

Տ. ՏԱԹԵՎ ՎԱՐԴԱՊԵՏ ՆԱԿՈԲՅԱՆ

ՄԻ ՆՈՐԱՏԱՅՑ ԿԱՐԵՎՈՐ ՎԱՎԵՐԱԳԻՐ

Հայ-հոլանդական կապերը դարերի պատմությունն ունեն: Արդեն XIIIդ. հոլանդական վաճառականներն այցելում էին Կիլիկիա, իսկ Ամստերդամ եկած հայ վաճառականների մասին հոլանդական աղբյուրներում հիշատակություններ հանդիպում են սկսած 1550-ական թվականներից: Առաջին հայ վաճառականների մասին եղած տեղեկության մեջ ասվում է, որ նրանք Ամստերդամում վաճառել են մարգարիտ և ադամանդներ¹:

Ծառ Աբասի կազմակերպած բռնագաղթից հետո հայ վաճառականներից ոմանք, ովքեր կապեր ունեին Հոլանդիայի հետ, ընտանիքներով հաստատվել են Ամստերդամում: Հոլանդիայի ժամանակագիրներից Վան Էմդենն այս մասին գրում է. «XVII դարում հայոց երկրի մի մասը, հարձակման և ավերման ենթարկվելով, հայերը ստիպված են եղել այնտեղից գաղթել: Նրանցից ոմանք եկել և հիմնավորվել են Ամստերդամում»²:

Այս կապերն և հայերի Հոլանդիա առևտրական գործերով զնալն ու այնտեղ հաստատվելը առավել են տարածվում 1612թ. Հոլանդիայի և Թուրքիայի միջև կնքված պայմանագրից հետո, որի կետերից մեկով նշվում էր, որ երկու երկրների քաղաքացիների հանդեպ փոխադարձ երթևեկի ժամանակ կրոնական խոչընդոտներ չպետք է հարուցվեն:

Հայ-հոլանդական առևտրատնտեսական հարաբերությունների ընդլայնումը հանգեցնում է նրան, որ 17-րդ դարի կեսերին Ամստերդամում արդեն բնակվում էր ավելի քան 70 հայ ընտանիք³:

Հոլանդիայում ձևավորված հայ համայնքի առկայությունը ևս իր դերն է ունեցել, որ Հակոբ Դ Ջուղայեցի կաթողիկոսի կողմից հայկական տպարան հիմնելու համար Իտալիա ուղարկված Մատթեոս դպիր Ծարեցին, հաջողություն չգտնելով Վենետիկում և Հռոմում, գնա Ամստերդամ և 1660թ. այնտեղ հիմնի այն տպարանը, որն այնուհետև Ոսկան Երևանցու անվամբ հայտնի էր դառնալու որպես Ոսկանյան տպարան:

Նույն այս շրջանին է վերաբերում և հայկական առաջին աղոթատան հիմնումը Ամստերդամում, որի մասին Ղևոնդ Ալիշանը գրում է. «Նշանակ յաճախութեան վաճառականաց հայոց յիշի եկեղեցի մեծ առ գերեզմանատան իւրեանց յանուն Ս. Կարապետի, որոյ վէմ մի մնայ և պահի արդ ի Մարսիլիա, արձանագրեալ յամի 1663-4, կազմեալ «Արդեամբք Զաքարի որդւոյ Դաթի Ճիւղայեցւոյ եւ ենթագրութեամբ Կարապետի բանի սպասատրի»⁴:

Համանման ձևով է գրում և Սարուխանը. «Ամստերդամի գաղութի համար առաջին անգամ ԺԷ դարի կեսին զգալի եղաւ սեփական աղօթատուն ունենալու պէտքը: Գաղութի

¹ Տե՛ս **Սարուխան**, Նոլանդիան եւ հայերը XVI-XIX դարերում, «Նանդեա ամսօրեայ», Վիեննա, 1926, էջ 571:

² Նույն տեղում:

³ Նույն տեղում, էջ 574:

⁴ **Ն. Ղ. Ալիշան**, Միսական, Վենետիկ, 1893, էջ 495:

անդամներն այդ ժամանակ բառական բազմացել էին և նրանց համար խորթ էր օտար եկեղեցին եւ անհասկանալի՝ օտար արարողությունը, մանաւանդ երբ շատերն արդէն հաստատուն բնակություն էին հիմնել եւ իրենց գերդաստանը բերել տուել: Նրանք, մախ ժամանակաւորապէս մի տուն վարձելով, 1663-ին այդ տունը յանուն Ս. Կարապետի՝ մատրան վերածեցին: Առաջին քահանան եղաւ Անդրիանեցի Կարապետ վարդապետն»⁵:

Կարապետ վարդապետ Անդրիանեցին Մատթեոս դպիր Ծարեցու վախճանվելուց հետո 1662թ. ավարտին է հասցնում 1661թ. սկսված «Սաղմոսարանի» տպագրությունը: Այս «Սաղմոսարանի» հիշատակարանում մա իրեն անվանում է «գոսկան ընթերցողի աշակերտ»⁶:

Կարապետ Անդրիանեցին հեղինակն է մա 1662թ. Ամստերդամում լույս տեսած «Այրքբենարանի», որի հիշատակարանում իրեն դարձյալ անվանելով Ոսկան Երևանցու աշակերտը, այնուհետև ասում է, որ հիշյալ «Այրքբենարանը» տպագրվեց ոչ վասն վաճառման, այլ ձրի և ի փառս Քրիստոսի տացի ում եւ կարիք լիցի»:

1664թ. տպագրված «Սաղմոսարանի» հիշատակարանում Ոսկան Երևանցին ևս գրում է, որ Կարապետ վարդապետը իր աշակերտն է եղեւ. «...սեպհական աշակերտն իմ Կարապետ վարդապետ, որ էր յԱմստէրտամ»⁷:

Ոսկան Երևանցին մույն ձևով իր հեղինակած «Քերականության» հիշատակարանում է գրում. «Նաև գԿարապետ վարդապետն զաշակերտ իմ, որ բազմօք աշխատեցաւ ընդ իս ի սրբագրելն»⁸:

Ոսկանյան Աստվածաշնչի հիշատակարանում Կարապետ վարդապետն անվանվում է Ոսկանի հավատարիմ աշակերտը, ով աշխատել է մա ևս գրքերի տպագրության վրա ևս. «Ընդ որս և զհաւատարիմ աշակերտն իմ գԿարապետ վարդապետ Անդրիանացի, որ միշտ և անձանձիր տքնեցաւ ի վերայ սրբագրութեանն և այլ գործոց»⁹: Ոսկանը Կարապետ վարդապետին անվանում է մա «բանի սպասատր»¹⁰:

Մատթեոս Ծարեցու՝ Ամստերդամում հիմնած տպարանի պարտքերը վճարում և պարտատերերի բռնագանձումներից փրկում է Ոսկան Երևանցու եղբայր Ավետիս Ղլիճենցը¹¹, որն Ամստերդամ է հասնում այն ժամանակ, երբ Մատթեոսը գտնվում էր մահվան մահճում՝ շրջապատված իրեն սպառնացող պարտատերերով:

Փրկելով մեծ զոհողությունների գնով հիմնված տպարանը՝ Ավետիսը Ամստերդամ է կանչում իր եղբորը՝ Ոսկան վարդապետ Երևանցուն, որը Ուշիի Ս. Սարգիս վանքի վանահայրն էր: Մինչև վանահայրության հանձնելը և տպագրվելիք գրքերի համար համապատասխան ձեռագիր մատյաններ գտնելը Ոսկանը Հակոբ Դ Զուղայեցի կաթողիկոսի զիտությամբ Ամստերդամ է ուղարկում իր աշակերտ Կարապետ վարդապետին, ով փա-

⁵ Սարգիսյան, Նովանդիան եւ հայերը, «Նանդեւ ամսօրեայ», 1928, էջ 339:

⁶ Նույն տեղում, էջ 40:

⁷ Նույն տեղում, էջ 43:

⁸ Նույն տեղում, էջ 50:

⁹ Նույն տեղում, էջ 50:

¹⁰ Նույն տեղում, էջ 53:

¹¹ Նույն տեղում, էջ 39:

տորեն ունենում է նաև տեղի հայ համայնքին հովվելու հանձնարարությունը:

Հայ համայնքի կողմից աղոթատուն դարձնելու համար վարձված տունը որպես մատուռ Ս. Կարապետի անվամբ կոչելը, կարծում ենք, ինչ-որ տեղ պայմանավորված է եղել նաև Կարապետ վարդապետի անվամբ: Քանի որ վարդապետը եկեղեցի և եկեղեցու սեղան օծելու իրավունք չունեի, ուստի կարելի է ենթադրել, որ այդ օծումը կատարել է Ոսկան Երևանցին, որը եպիսկոպոս էր, սակայն այդ ժամանակ ընդունված ձևով ի մշան իր ունեցած գիտության, անվանվում էր վարդապետ:

Հոլանդացի գիտնական Ֆ. Ե. Դուրինգը հոլանդական աղբյուրների վկայակոչմամբ ևս գրում է, որ Ամստերդամի հայկական աղոթատունը կառուցվել է 17-րդ դ. երկրորդ կեսին և այն միտքն է հայտնում, որ այդ ժամանակ տեղի հայերի առաջնորդն է եղել Ոսկան Երևանցին. «Ամստերդամի հայերը 17-րդ դարի երկրորդ կեսին, այն ժամանակ, երբ հիմնեցին առաջին հայկական եկեղեցին, հավաքվում էին աղոթելու համար Դիկստրատի վրա գտնվող մի տան մեջ, որից մենք կարող ենք հետևեցնել մույնպես, որ Ոսկան եպիսկոպոսը ևս, որն անչափ բան է արել հայերեն լեզվով Աստվածաշունչը հրատարակելու համար, կարող էր միաժամանակ ղեկավարած լինել կրոնական ժողովները Դիկստրատի ժամանակավոր եկեղեցում»¹²:

Ամստերդամի այժմյան հայկական Ս. Հոգի եկեղեցին կառուցվել է 1713-14թթ., որի հիմնարկերը, ըստ Ալիշանի, կատարել է Թովմաս Վանանդեցին. «Բայց սկիզբն ժԸ դարու շինեցին հայք մոր եկեղեցի 1714թ. Ս. Հոգի անուն, օժանդակությամբ մշանաւոր և բազմաշրջիկ վաճառականի Պապաճանի որդի Սուլթանումի, որոյ արար մաւակատիս Թովմաս Վանանդեցի»¹³:

Սարուխանը, շեշտելով, որ մոր եկեղեցու կառուցումը անհրաժեշտություն էր դարձել, վերջինիս կառուցման մասին գրում է. «Առաջին հայ աղոթատունը բացի մրանից, որ վարձու, ուրեմն ժամանակաւոր շէնք էր, անյարմար տեղ էր գտնվում, ուստի գաղութը փնտրում էր անելի յարմար մի վայր, որպէսզի յատուկ սեփական եկեղեցի կառուցանէ: «Հայերը, ասում է մի հոլանդացի պատմագիր, ինչպէս բոլոր արեւելեան ժողովուրդները, շատ էին սիրում արտաքին զարդարանքը, ուստի մրանը ոչ միայն իրենց սեփական եկեղեցին ուզեցին ունենալ, այլ իրենց վայել էւ ճոխ եկեղեցի, այս նպատակով երկար ժամանակ ժողովարարութիւն էին անում իրենց մէջ...»: Այս դիտարկութիւնը վերջապէս իրագործվում է 1713-ին: Հայ վաճառականների աւագագոյն անդամները, որոնք աղօթարանի աթոռակալներն էին՝ Պապաջան Սուլթանեան և Նիկողայոս Թէոդորեան, յանուն հայ գաղութի աղերսագիր տուին Ամստերդամի քաղաքապետին, որով իրաւունք էին խնդրում իրենց դրամական միջոցներով, սեփական հայ եկեղեցի կառուցանելու: Քաղաքային վարչութիւնը յօժարութեամբ համաձայնուեց: Քաղաքային իշխանութեան 1713 հոկտեմբ 26-ի որոշման մէջ այսպէս է արձանագրուած այդ իրաւունքը. «Այստեղի հայ վաճառականների խնդիրքի հիման վրա, պատշաճաւոր խորհրդակցութիւնից յետոյ, բարի համարուեց արտօմել, որ մրանք այս քաղաքում մի տուն գնեն եւ եկեղեցիի վերածեն իրենց յա-

¹² Ֆ. Ե. Դուրինգ, Հայերեն գրքերի փպագրությունը Ամստերդամում ԺԷ-ԺԸ դարերում. «Տեղեկագիր», 1963, հմ. 2, էջ 84:

¹³ Ղ. Ալիշան, Միսական, էջ 459:

տուկ աստուածային պաշտամունքը կատարելու համար»¹⁴:

Ստանալով քաղաքային վարչության թույլտվությունը՝ հայ վաճառականները գնում են մի շինություն Ամստերդամի Ս. Հոգի հայոց եկեղեցու ներկայիս տարածքում, որը պահեստային մի շինություն էր, քանդում են այն և հանդիսավորապես կատարում եկեղեցու հիմնարկերը, որին ներկա են լինում նաև Ամստերդամի քաղաքապետը և մի շարք այլ պաշտոնատար անձինք:

Ժամանակի ակամատես տարեգիր Վագենարը (Wagenaar) կառուցվող եկեղեցու մասին գրում է. «Ուս մի սիրուն շէնք էր վրայ է վրայ երկու կարգ պատուհաններով, ամեն մի կարգում՝ վեց հատ»¹⁵:

Ալիշանը, ինչպես տեսանք, գրում է, որ այս նոր եկեղեցու հիմնարկերը կատարել է Թովմաս եպս. Վանանդեցին, որը, սակայն, վախճանվել է 1708թ., իսկ հաշկական եկեղեցի կառուցելու թույլտվությունը Ամստերդամի քաղաքապետը տվել է 1713թ., ուստի և 1708թ. վախճանված եպիսկոպոսը չէր կարող կատարել հիմնորհները մի եկեղեցու, որի կառուցման թույլտվությունը տրվել է 1713թ.:

Արդ, ինչո՞վ է պայմանավորված ժամանակային այս անհամապատասխանությունը:

Ամստերդամի հաշկական տպարանի անունը անխզելիորեն կապված է Ոսկան Երևանցու հետ, և այս տպարանը անվանվում է նաև Ոսկանյան: Միաժամանակ, Ոսկանը նաև այս շրջանում Ամստերդամում գտնված միակ բարձրաստիճան հայ հոգևորականն էր, որի հոգևոր իրավասությանն էր հանձնված և համայնքային կյանքը, քանի որ Ամստերդամի հաշկական հրատարակությունների հիշատակարաններից երևում է, որ Ոսկանը Կարապետ վարդապետին համապատասխան կարգադրություններ է արել ոչ միայն որպես տպարանի պատասխանատու, այլև որպես եպիսկոպոս: Նաև անիմաստ կլիներ Կարապետ վարդապետի՝ Ոսկանի մոտ միայն որպես տպագրիչ աշխատելը, եթե նա չուներ համայնքային հոգևոր հովվի պարտականություններ և իրավասություններ:

Անհրաժեշտ է նշել, որ նույն ձևով, երբ Ոսկան Երևանցու հետ նա փոխադրվում է Լիվոռնո, դառնում է այնտեղի հոգևոր հովիվը՝ միաժամանակ Ոսկանի հետ այնտեղ հրատարակելով ևս երեք գիրք:

Հատկանշական է և պատահականություն ու պարզ զուգադիպություն չի կարելի համարել այն հանգամանքը, որ Թովմաս եպիսկոպոս Վանանդեցին Ամստերդամ է գալիս, երբ այնտեղից հեռացել և արդեն վախճանվել էին Ոսկան Երևանցին և Կարապետ վարդապետը:

Թովմաս Վանանդեցու և ընդհանրապես՝ Վանանդեցիների գործունեությունը Ամստերդամում դարձյալ հարաբերվում է Ոսկան Երևանցու և Ոսկանյան տպարանի հետ:

Թովմաս վարդապետ Վանանդեցին Գողթն գավառի Ս. Խաչ վանքի վանահայրն էր և դարձյալ եպիսկոպոս: 1660-ական թթ. վերջերին նա իր մորեղբոր որդու՝ Մատթեոս Հովհաննիսյանի հետ մեկնում է Եվրոպա:

1670թ. Մատթեոսը գնում է Լիվոռնո, ուր գրաշարություն է սովորում Կարապետ վարդապետից, քանի որ այդ ժամանակ Ոսկանը տպարանը Ամստերդամից փոխադրել էր

¹⁴ Մարության, Հովհաննիսյան ևս հայերը, «Նանդեյն ամսօրեայ», 1928, էջ 339-340:

¹⁵ Մարության, Հովհաննիսյան ևս հայերը, «Նանդեյն ամսօրեայ», Վիեննա, 1928, էջ 340:

այստեղ, ապա հաջորդ տարում, երբ Ոսկանը տպարանն այնտեղից էլ փոխադրում է Մարսել, նրա հետ գնում է այնտեղ և շարունակում զարմանալի մի նվիրումով ծառայել հայկական տպագրությանը:

1679թ. իր եղբորորդիներին՝ Ղուկաս և Միքայել Նուրիջանյաններին, Թովմաս Վանանդեցին ուղարկում է Հոռմի Ուրբանյան վարժարանում սովորելու, իսկ 1683թ. դարձյալ գալով Մարսել՝ Մատթեոսին ուղարկում է Ամստերդամ՝ այստեղ հաստատելու հայկական տպագրությունը, որը վերսկսվում է 1685 թվականից: Ամստերդամում են հավաքվում Վանանդեցիների գերդաստանի այս չորս ներկայացուցիչները՝ Թովմաս վարդապետը Վանանդեցի, և Մատթեոս, Ղուկաս և Միքայել Նուրիջանյան Վանանդեցիները:

Ինչպես ասացինք, Թովմաս Վանանդեցին վախճանվել է 1708թ., իսկ մինչ այդ տպարանից հեռացել էին Միքայելն ու Մատթեոսը, և մենակ մնացած Ղուկաս Վանանդեցուն սկսում է օգնել Միքայելի որդին՝ Հովհաննես Վանանդեցին:

Այսպիսով, Թովմաս վարդապետ (եպիսկոպոս) Վանանդեցին ամստերդամյան իր գործունեության շրջանում մասնակցել է նաև համայնքի եկեղեցական կյանքի կազմակերպմանը, որի հիման վրա է Ալիշանը գրում, որ Թովմաս Վանանդեցին կատարեց Ամստերդամի հայկական եկեղեցու հիմնարկերը:

Ինչպես Ոսկանյան շրջանի հետ էր կապված քաղաքի հայկական տպարանի հիմնումը, այնպես էլ Վանանդեցիների անվան հետ է կապվում հայկական մոր եկեղեցու կառուցումը, որին իր մեծ մասնակցությունն է բերում հատկապես Ղուկաս Վանանդեցին: Նա ոչ միայն գործուն մասնակցություն է ունենում եկեղեցու կառուցման համար հանգանակության կազմակերպմանը, այլև եկեղեցու կառուցումից հետո շարադրում է Աստվածատուր Ա. Համադանցի կաթողիկոսին (կթղ. 1715-1725թթ.) ուղղված խնդրագիրը եկեղեցու օծման և այնտեղ սպասավորելու համար հոգևորական ուղարկելու խնդրանքով: Ինչպես Սարուխանն է գրում. «Այս ամենը կատարվում էր նույն Վանանդեցիների ջերմ յորդորանքով և բարոյական անդուլ աջակցությամբը: Երբ շինությունը աւարտուեց, սկսան մտածել եկեղեցու օծման մասին եւ յանուն զաղութի հետեւեալ աղերսագիրն ուղարկուեց կաթողիկոսին: Աղերսագիրը գրողը նույն անխոնջ Ղուկաս Նուրիջանեանն էր»¹⁶:

Հիշյալ դիմումագիրը Սարուխանը հրատարակել է ըստ «Արշալոյս Արարատեանի»: Դիմումագրին կից տրված խմբագրության բացատրությունում ասվում է, որ այս վավերագրի պատճենը իրենց է ուղարկել Նոր Զուղայի Ամենափրկիչ վանքի ատենադպիր Հարություն Տեր-Հովնանյանը 1861թ. հունվարի 10-ի թվակիր իր նամակով, որում գրված է. «Յամի 1855 ի լինելն իմ խուզարկու հնութեանց, ի թղթոց որք յանճշան անկիւնս մատանաց Սրբոյ Ամենափրկչեան վանաց թափեալ կային ի փոշի, գտի զթերթ մի մագաղաթեայ գրեալ ի վաճառականաց Հայոց եղելոց յԱմստերդամ քաղաքի, յանուն Աստուածատրոյ կաթողիկոսի Սրբոյ Էջմիածնի: Ի սմին մագաղաթեայ թերթին ոչ գտանիր ստորագրութիւն խնդրարկու վաճառականացն: Թուի ինձ թէ խնդրարկու վաճառականքն զայլ մագաղաթեայ թերթ նույն խնդրագրոյ իւրեանց առաքեալ իցեն ի Սուրբ Աթոռն Էջմիածնի և զայն թերթ առանց ստորագրութեան իւրեանց, ականատր վաճառականքն հայոց որք յԱմստերդամ, գովով ի Նոր-Զուղայոյ, առաքեալ իցեն առ Առաջնորդն իւրեանց որ ի Զու-

¹⁶ Նույն տեղում, էջ 340-341:

դա, իբրեւ տեղեկություն հաղորդելով նմա զայն գործ: Ի վաղուց հետեւ եւ ցայսօր ժամանակի իսկ պահի սովորությունն ի մէջ գերամեծար հնդկահայոց, զի մինչև սակա ազգային ինչ իրողութեանց հասարակապէս առնէին կամ առնեն թղթակցություն ինչ ընդ Սրբոյ Աթոռոյն Էջմիածնի, զգաղափար այլն առաքէին ի վանքն Ամենափրկիչ ընդ որոյ իրաւատրեանքն գտանին ինքնեանք, ի տեղեկություն առաջնորդի այնր վանաց»¹⁷:

Այսպիսով, այս ամսակից իմանում ենք, որ հիշյալ խնդրագիրը Նոր Զուղայի Ամենափրկիչ վանքի աստեմադպիր Հարություն Տեր-Հովնանյանը 1855թ. գտել է Ս. Ամենափրկիչ վանքի վավերագրերի մեջ և որ այն գրված է եղել մագաղաթաւ մի թերթի վրա: Հովնանյանը նշում է, որ այս խնդրագրի ներքո ստորագրություններ չեն եղել, և այս հանգամանքը բացատրում է նրանով, որ մագաղաթաւ այդ թերթը իր հերթին պատճենն է եղել բուն խնդրագրի, որն ուղարկվել է Աստվածատուր կաթողիկոսին, իսկ պատճենը՝ Ս. Ամենափրկիչ վանք, քանի որ Ամստերդամի հայերը հիմնականում Նոր Զուղայից էին զնացել և Նոր Զուղայի առաջնորդին համարում էին իրենց առաջնորդը: Ահա այս պատճառով, ինչպես որ հնդկահայերն էին Մայր Աթոռ ուղղված իրենց գրությունների պատճենները ուղարկում Ս. Ամենափրկիչ վանք, այնպես էլ Ամստերդամի նոր ջուղայեցի վաճառականներն են վարվել:

«Արշալոյս Արարատեանում» տպագրված ամսական ասվում է, որ գտնված այդ վավերագիրը նույն 1855թ. Նոր Զուղայի առաջնորդ Տ. Թադեոս արքեպիսկոպոսը ուղարկում է Մայր Աթոռ, որպեսզի Ս. Էջմիածինն այս վավերագիրը ևս օգտագործի Ամստերդամի հայկական եկեղեցու նկատմամբ իր ունեցած իրավունքները պաշտպանելու համար, քանի որ այդ շրջանում դրված էր եկեղեցու փակման և հայ համայնքից օտարման հարցը, որով վտանգվում էին և այդտեղ պահվող եկեղեցական հանդերձներն ու սպասքը, որոնք այնուհետև, Գևորգ Դ կաթողիկոսի ջանքերով վերադարձվեցին Ս. Էջմիածին:

Պատահական չէ և այս վավերագիրը հենց Զմյուռնիայում լույս տեսնող պարբերականում տպագրելը: Ամստերդամի հայ համայնքը ենթարկվում էր Զմյուռնիայի հայոց թեմի առաջնորդին, քանի որ Զմյուռնիան ծովափնյա քաղաք էր և ծովային ուղիով ճանապարհով կապվում էր Ամստերդամին, և վերջինիս հոգևոր հովիվներին Զմյուռնիայի հոգևոր առաջնորդն էր նշանակում:

Ահա այս պատճառով հիշյալ վավերագիրը Ս. Էջմիածին ուղարկելուց հետո վերջինիս պատճենը ուղարկվում է Զմյուռնիա՝ տպագրելու, քանի որ վերջինիս հոգևոր իրավասության ներքո էր Ամստերդամի հայոց եկեղեցին:

Այսպիսով, Սարուխանի հրատարակած բնագիրը փաստորեն պատճենի պատճենն է, քանի որ բնագիրը Ամստերդամից ուղարկվել է Ս. Էջմիածին, իսկ պատճենը՝ Նոր Զուղա և այս պատճենից կատարված ընդօրինակությունն է ուղարկվել Զմյուռնիա: Հիշյալ ընդօրինակությունը «Արշալոյս Արարատեանի» հիման վրա տպագրել է Սարուխանը՝ որպես Ամստերդամի հայ համայնքի դիմում՝ ուղղված Աստվածատուր Ա. Համադանեցուն:

Մաշտոցի անվան Մատենադարանում Ամստերդամի հայ համայնքի պատմության մասին վավերագրեր որոնելիս մեզ անակնկալ կերպով հաջողվեց գտնել այս դիմումագրից առաջ գրված համանման մեկ այլ դիմում, որը թվագրված է 1714 թվականի հունիսի

¹⁷ «Արշալոյս Արարատեան», Զմյուռնիա, 3 յունիս, 1861թ.:

տասով, այսինքն՝ ավելի քան մեկ տարի ավելի շուտ գրված և ըստ այդմ ուղղված արդեն ոչ թե նորընտիր Աստվածատուր կաթողիկոսին, այլ նախորդ տարում վախճանված Աղեքսանդր Ա Ջուղայեցուն (կթղ. 1706-1714թթ.):

Այսինքն՝ Ամատերդամի Հայոց եկեղեցին օծելու համար արդեն պատրաստ է եղել 1714թ. և տեղի հայ համայնքը այս, ինչպես նաև սպասավորող քահանա ուղարկելու համար դիմել է Աղեքսանդր Ա Ջուղայեցուն և մինչ նրանց դիմումը Ս. Էջմիածին կհասներ, վախճանվել է կաթողիկոսը, որից հետո հաջորդ տարի նույն խնդրանքով նրանք դիմել են արդեն նորընտիր Աստվածատուր կաթողիկոսին:

Մատենադարանում 1714թ. դիմումնագիրը պահվում է Մսերյանների արխիվում: Այն կազմված է տպագիր մեկ էջից, որի ներքո սակայն չկան դիմողների ստորագրությունները, որից կարելի է ենթադրել, որ այդ ստորագրությունները ներկայացվել են կից մի էջով և կամ էլ Ղուկաս Վանանդեցու տպարանում այս մեկ էջից մի քանի օրինակ է տպագրվել, որոնցից մեկը ուղարկվել է ստորագրությամբ, իսկ մյուսը կամ մյուսները պարզապես պահպանվել են, և նրանցից մեկը հայտնվել է Մսերյանների արխիվում:

Անկախ ստորագրություններից, քանի որ այս դիմումնագիրը ոչ թե ձեռագիր է, որ ընդօրինակություն լինի, այլ տպագիր, որով այն բնագրի արժեք ունի և Ամատերդամի հայ գաղութի պատմության շրջանակում ներկայացվում է առաջին անգամ, ուստի ստորև բերում ենք նրա բնագիրը ամբողջությամբ:

ԲԱՐՁՐԱԳԱՀ, ԻՆՔՆԱԿԱԼ՝ ԵՐԱՆԱԿԵՆՑԱՂ՝ ԵՐՋԱՆԿԱՊԱՏԻԻ, ԵՒ ՎԵՀԱՓԱՌԻ Դիտապետի և Արամեան բանաւոր հօտին՝ ի վայրի դալարոջ տաճողի՝ հոգևոր Հօրդ մերոյ Տեառն Աղեքսանդրի. երկնահանգէտ՝ և լուսաբնակ Ս[ուր]բ Էջմիածնի Տեղւոյն Աթոռակալիդ. սքանչելագործ՝ պարգևաբեր՝ և գերարփիաշնորհ Հօրն մերոյ Լուսաւորչի պանծալի Յառաջորդիդ և երանելի Տեղակալիդ մատուցանեմք՝ և ձօնեմք մեծաւ պատկառանօք և անշուշտ հրնազանդութեամբ գողջոյն որդիական, նաև ակնակոր խոնարհութեամբ համբուրեմք զերկնաշու գարշապար Սրբութեան Ձերոյ մեք աստ յԱմատէլօդամ եղեալ ներքոգրեալ Հայկազուն նուաստ որդիք Սուրբ Աթոռոյդ:

ՅԱՅՏԱՐԱՐ ԻՐԱՆԶԳԱԾՈՒԹԻԻՆ ՍԱԿԱԻՈՒԹ ԼԻՑԻ ՀՕՐԴ ՄԵՐՈՅ Ի ՎԱՂԵՄԵԱՅ ԺԱՄԱՆԱԿԱՅ ՄԵՐԱԶՆԵԱՅ վտարանդի վաճառականքս վաճառաց աղագաւ օրըստօրէ յութացեալ՝ յանախեմք աստ յայսմ ծովապարփակ, ջրմղախաղ տիեզերահոչակ, աշխարհախումբ, սքանչաշէն՝ բազմաբնակ՝ մարդախիտ, ամենահարուստ, մեծազօր, բարեկարգ, և իրաւադատ Ամատէլօդամ քաղաքի. վասն որոյ՝ հարկաւոր վարկեալ մեր որպէս որդւոց Սիօնի ունիլ մեզ առանձին տեղի սակս Քաւչարար սուրբ Պատարագի մատուցմանն. սահմանեցաք մեզ տեղի մի առանձին հանդերձ Քահանայի. ուր լսեմք միշտ և անխափան զԱստուածային պաշտօնն ըստ կարգի և օրինի Լուսաւորչական Եկեղեցւոյն:

Բայց տեղին այն գոյով անպատշաճ և վարձու կալեալ յառաջ քանզի տասնամեալ ժամանակս յօժարեցաք Հայկազնեայքս կանգնել աստ հաստահիմն եկեղեցի. այն ևս յայլ և այլ պատահմանէ մինչև ցայսօր յետնեալ մնաց: Իսկ այժմոյս բարեհաճութեամբ Հոգւոյն

Սրբոյ (որ յաջողէ զամենայն յամենայնի. որով եմք կեամք և շարժիմք) համախոհ՝ և միաբան հաւանութեամբ աստ եղեալ Արամազնեայ վաճառականքս զնեալ հաստահիմն տեղի մի եկեղեցոյ՝ հրամանաւ Մեծագոր և բարձրաբերձ իշխանացն քաղաքիս՝ ձեռնարկաք շինել մեզ հարկաւոր, և զվաղեմէ փափաքեալ եկեղեցին հաստակառոյց հիմամբ ի փառս Ամէնօրհնեալ Փրկչին հանուրց. ի Պարծանս Լուսաւորչի Սուրբ աթոռոյն և ի հոգեշահ պայծառութիւն. նորին իսկ հօտին, որ ընդ ծայրածաւալ ոլորտս երկրի սփռեալ է: Մեծաւ ուրեմն թախանձանօք, և խնդրանօք հայցեմք ի Սրբազան Հօրէդ մեղմաբար ունկնդիր լինիլ համառօտաբանութեանս:

Հրամանաւ սուրբ աթոռոյդ միշտ լեալ է՝ աստ Քահանայ մի առ՝ ի կատարել զԱստուածային պաշտօնն մինչև ի վախճանումն Երևանեցի Տէր Յօհաննէսին. որոյ զկնի դոյզն ինչ անցեալ՝ եւս հրամանաւ Վեհիդ եկն աստ Յովակիմ վարդապետն միաբանիքն հանդերձ որ աւելի Քան զամ մի մնացեալ զնաց աստի՝ ի մեծն Հոսմ, որ տակաւին դեգերալ յամէ. գորոյ աջոյն կամ ձախուն ոչ ունիմք խօսիլ միայն թէ աստ ոչ է տեղի Եպիսկոպոսի, այլ՝ մէն միոյ եւթ Քահանայի ըստ եմթագրեալ սարասի: Յովակիմ վարդապետն յորժամ աստի՝ ի Հոսմ ելանէր՝ եթող աստ ի գործ Քահանայութեան զհր մատաղատունկ՝ և նորահասակ միայնակեաց մի երևանեցի, Տէր Եղիսէ անուամբ, որդի Փիլիպպոսի՝ ի Նորք գեղջէն. սա կամկար յօժարութեամբն ոչ կամի մնալ աստ. գոլով ինքն հասակաւ մատաղ՝ և կրօնակենցաղ, իսկ քաղաքս այս հոլանի, շարադէմ և աշխարհի. աստէն փութայ զալ յ՝ոտս Վեհիդ. այսպիս սորին՝ ի մէջ խընդորում մեզ ևս քանզևս առաւել հաճոյ թուեցաւ սակս մատաղ հասակին՝ և կրօնակենցաղ վարուցն. մի՝ գուցէ թէ սա աստ իւրք սայթաքիցի: Ուստի միաբերան հաւանութեամբ խնդրեմք ի Բարձրագահէդ հոգալ մեզ և անընդհատ փութով առաքել այսր քահանայ մի՝ հասակաւ առոյց, և զիտութեամբ կատարեալ. ոչ տնակալուչ կին ունօղ՝ այլ իցէ ըստ ըստ սահմանելոյն Պօղոսի. 1. Տիմ. 3. 2: իցէ աղ՝ որով անհամն յաղիցի. իցէ լոյս, որ լուսաւորիցէ զամենայն մարդ, իցէ ևս կարօղ ողջամիտ վարդապետութեամբ՝ ի դիպուկ ժամու (հրամանաւ վեհիդ) մեզ քարոզելոյ, և պատասխանելոյ հարցմանցն, զորս աստ առնեն մերթ այլազգեայ Բանասէրքն: Չիցէ քահանայն կանամբի. այլ՝ այրի, կամ կուսակրօն վանական, , որ մինչև՝ ի վախճան կենացն աստ մնացէ: Ունիցի ի վեհէդ (եթե մարթ է) հրաման օժանելոյ զայս մեր նորակերտ Եկեղեցին. շնորհիցես նըմա զերկու թողթս, որոց մինն իցէ յանձնառական վասն քահանային, միւսն՝ պատուէր առ աստ եղեալ Հայկազուն ժողովուրդն զի, թէ քահանայն բանի իւրք կամ գործով վրիպիցի, կամ խոչընդակիցէ ընդդէմ մեր Եկեղեցական սահմանացն՝ և կարգացն, սոքա կարօղ իցեն խրատել զնա ըստ յանցանացն. որովհետև ոչ է մարթ յ՝աղօտ ժամանակի փոյթընդփոյթ ծանուցանել Սուրբ Աթոռոյդ զամենայն իրազեկութիւնս գոլով այս վայր մեծաւ միջոցաւ հեռացեալ այդի: Եւ մեք աստ եղեալքս խոստանամք հաստատել անշարժ զանձանակ անուամբ սուրբ Աթոռոյդ ուստի լոմայասարաս պտուղինչ մատուցի սուրբ Տեղւոյդ զի աստ մերազնեայ բնակ գրեթէ և ոչ մի իսկ եկեղեցի վաճառականք ևս սակաւաթիւ, այսինքն տասնաթիւ կամ երեսնաթիւ. այս ևս երբեմնական:

Այս խնդիր հայցման մերոյ ի բարձրագահ վեհանձնութենէդ. որում միշտ՝ և յամենայն յորեք մնամք հարազատ, և հնազանդ որդիքս եմթագրեալք:

Եղև յԱմստէլօդսմ. յԱմի Տեառն 1714. և ի Թուին Հայոց 1163: Յունիսի 10: Հաւանու-

2009

Տ. ՏԱԹԵՎ ՎԱՐԴԱՊԵՏ ՀԱԿՈԲՅԱՆ

Բ 31

թեամբ ստորանիշ վանառականացն՝ Բանաճիսութեամբ և Տպիք Ղուկասու Դպրի վանանդեցոյ տպագրեալ¹⁸:

¹⁸ Եր–անի Մաքենադարան, Մսերյանների արխիվ, թղթապանակ 209, վավերագիր՝ 2405, րեն նա– Նայ գիրքը 1512-1800թթ., էջ 786-788: